



子以心三舞玉佩心



道光壬寅年閏

雕漁莊盛悅書



漢不亾於鍾鄧而亾於陳壽鍾鄧滅漢而漢存陳壽志蜀而漢亾是書與蕭先生常書竝名續後漢復漢之號紹漢之統皆存漢之書也顧是書之存亦僅矣原編殘闕傳寫益滋譌舛余幸其僅有存亟爲攷訂既校刻清容刻源二集爰取陳志諸善本參以范史晉書綜覈棐正其博涉他書及荀氏注 館臣原校所徵引壹檢其本自庚子仲秋迄壬寅季春始克蕝事乃捋諸書同異暨所以增刪改易者釐爲札記四卷以附書末注文與本文參雜不別惟標明原校無可據則存疑互見蕭書札記則從略寫本故有校者多從陳志范書晉書悉遵付梓既有未安因別爲或校誤者辨焉帙繁呈漏踳駁愈益難免惟盡區區之心庶

有合於郝先生存漢之心與編是書寫是書以存是書者
之心云爾札記刊未畢嘆夷不靖余大懼是書之散亾夷
氛息鳩工卒事至是告竣謹識顛末弁札記首道光二十
有二年壬寅季冬上海郁松年泰峯氏書於宜稼堂

續後漢書札記卷第一

上海郁松年泰峯氏撰



寫本每葉十六行行二十一字

原序遂常懷此常誤嘗案書中常嘗多淆亂後悉改竊
所悼惜竊誤切案書中竊多作切後悉改又清四海
又誤又定千載之盛功者千誤十案中書千十多淆
亂後悉改昔共工伯有九州伯誤百何者隗囂據
隴脫何者繫于所爲不繫所藉繫竝作係案書中繫
多作係後未悉改或藉之以應天脫之字竝從晉書
習鑿齒傳三祖之寓于魏世矣習鑿齒傳祖作宗案
懿號高祖師號世宗昭號太祖二祖一宗從祖爲允

案中書宜作書
中方合此誤例

義未盡故假途以運高略脫義未盡從習鑿齒傳 有
民人社稷者民人誤倒 互相排黜黜作斥從通鑑案
書中黜多作斥後未悉改 比之窮新窮誤穹 則陳
氏何所授授通鑑作受案陳受梁禪不得云無所受滅
於隋則無所授作受誤 苻姚苻誤符 後漢後周年
號脫後漢竝從通鑑 魏主丕如洛陽主誤王從綱目
案書中王主多淆亂後竝改 青青千里草草誤章案
千里草何青青漢末童謠見志董卓傳注 杖鉞西南
疆疆誤强案書中疆疆多淆亂後竝改 祀漢配彼天
天作蒼 後賢盍更張盍誤合後序同 千載徒悲傷
徒誤彼竝從朱子詩集 乃破橐發凡橐誤藁後序同

從說文 以昭烈纂承漢統纂誤纂案書中纂纂多互
易後竝改 祛操丕之鬼蜮操誤曹

新注序吳史則韋昭吳書昭作曜案曜晉人避文帝諱改
此不當沿晉稱今改正書中則仍郝君本文又昭字宏
嗣名當作佶穆之佶昭亦假借 今宣撫陵川先生撫
作相案苟宗道是郝經掾屬下自稱宣撫司都事相爲
撫誤明矣

目錄

年表卷一脫卷一兩字

列傳第十六楊容附姚佑佑誤佃

第十八霍峻附子弋弋誤戈後標目及議贊同

第二十二常播常誤當

第二十六上曹操卞夫人曹丕甄后郭后案操丕既已削爵則家人傳宜從晉書苻登妻毛氏之例書夫人書后體例殊舛吳家人傳同

第二十六下曹子上臨邑殤公公誤王 曹子乘穀城殤公城誤陽從志標目

第二十七曹休附子肇肇孫攄脫子肇肇孫攄從標目及傳

第三十程昱昱誤晃 劉曄曄作煜書中並同後悉改

第三十一張郃郃誤郤

第三十三徐奕徐誤余從標目及傳文

第四十一杜畿附子恕恕誤怒

第四十六孫策策誤从束從說文後並改

第四十八孫亮候官候候誤侯從志及續漢志案書中候多誤侯後並改

第四十九孫亮全后附父尙脫父尙從標目

第五十六朱然附子施績績誤續從志及標目

第五十八全琮琮誤綜 潘濬附芮元脫芮字並從志及

標目

第六十五臧洪附陳容脫陳容從標目

第六十六中管寧附張璜璜誤臻從志及標目

第七十二上司馬懿附子師昭師昭誤倒從傳文

第七十二下荀顛顛標目及傳文竝作覲誤

第七十三鄧艾傳附州泰泰誤秦從志及標目案書中泰多誤秦後竝改

第七十五許允妻允誤充從標目及傳文

第七十七上湟中月氏胡氏湟誤湟從標目案湟水名見水經注月氏胡乃胡種非氏種此誤標目及原校同

第七十八倭人脫人字從標目及原校

錄第一上伏羲作宓犧案標目作伏羲錄文竝作伏犧賈侍中曰犧非古文今竝從標目徵引典籍則各從所本

第三并州五郡四字脫從標目

第四下中宮官 東宮官作東宮中宮官脫上官字誤合

爲一從標目錄文

第五上下五祀二字脫從標目錄文

第八上兵制二字脫從標目

原校玉衡真觀等書玉誤王案書中玉王多淆亂後竝改卷第一一年表闕寫本無此葉據卷八十八錄第六刑法

闕補

卷第二帝紀第一

義例從史義烈與誤更案從史與愆憑同見通雅 則凡而不目云目誤因

昭烈皇帝紀元狩六年封貞涿縣陸城亭侯志同攷異曰漢書王子侯表陸城侯貞以元朔二年六月封西京無

亭侯亭亦衍文地理志中山國有陸城縣貞以王子封侯因改隸涿縣案此涿縣之縣亦郡之誤文矣 坐耐金失侯耐誤耐案書中耐多誤耐後竝改 子康王昆侈嗣二十一年薨脫二字從班書中山王傳 廣望節侯忠 皆坐耐金失侯案班書王子侯表中山王勝子侯者十有九坐耐金失侯者十人忠不在其中子孫傳封五世 元起妻曰妻曰誤倒從志 其有軍功爲長吏者吏誤史案書中史吏多淆亂後竝改 督郵至縣至作到 督郵在傳舍在作到或校竝從志注 初平元年劫帝西遷長安劫誤劫案說文劫从力後竝改 二年攻瓚所置青州刺史田楷刺誤刺案說文刺从束

从刀在束部音戾刺在刀部从刀从束書中刺多誤刺後竝改 使爲田楷拒紹志同通鑑作使與田楷徇青州 三年李傕催案通鑑注催音古岳反字从人从崔後竝改 興平元年謙以丹陽兵四千益之陽志作楊詳蕭書札記 不宜揖讓揖誤抑志無此四字 建安元年曹豹曹誤曾從志注 從事糜竺糜誤糜從志糜竺傳 八月曹操劫帝遷許志作九月此從范書表昭烈爲鎮東將軍案志鎮東之表在拒袁術于盱眙下 郭嘉等謂操曰備有英雄之志今不早圖後必爲患案通鑑或勸操圖昭烈操以問嘉嘉止之志郭嘉傳注同程昱傳但言昱說太祖殺備此似誤 四年夏

四月袁術欲經徐州北就袁紹北誤此從志案書中此
北多誤後竝改 五年原校今志作蔡楊宋本作揚與
此合案馮翁毛三本竝作陽 十三年以諸葛亮爲軍
師以下衍歸字脫軍字 以偏將軍趙雲爲桂陽太守
脫以字竝從通鑑 十四年昭烈立營于油口志注同
或校云油下脫江字案通鑑亦作油口胡三省曰水經
南平郡孱陵縣有油水西北注于江曰油口卽劉備立
營處也 十五年未可興動興誤與從志案書中興與
多淆誤後竝改 昭烈自住孱陵孱志注作潺案志呂
蒙傳通鑑皆作孱水經江水三又東經南平郡孱陵縣
樂鄉城北亦不從水說文潺在新附訓水聲 十六年

前後贈遺巨億計巨誤臣 十七年松兄廣漢太守肅
漢誤陵竝從志 名璋白水督楊懷責以無禮斬之志

同龐統傳作楊懷高沛通鑑同 十八年原校蜀志無

吳懿二字案此據志楊戲輔臣贊吳子遠贊注 十九

年彭蒙又璋之所排擯也蒙志毛本同馮翁本誤羨

二十年并擊巴寶破之志無此六字張飛傳同案并當

作遂六字當在上遣黃權將兵迎張魯魯已降下黃權

傳遂擊朴胡杜濩任約破之通鑑以三人爲巴寶夷帥

其證也 二十一年曹操自立爲魏王脫立字案前曹

操自立爲魏王自下有立字 二十二年又遣雷銅等

入武都原校云陳志作入成都案馮翁毛三本竝作武

都二十四年原校張邵傳淵死還陽平陽平誤倒從志天子以謝服非令名令誤今從志注案書中今令多淆亂後竝改舜臣堯臣作相案注引左傳故改從左氏放蔡叔霍叔脫放字從史記周紀又周紀無霍叔而遭厄運厄作危覩其機兆觀作觀大有闕樂之禍大誤天竝從志前卽二世卽誤耶從史記秦紀敦敘九族敘作序或校從志推融行河西五郡大將軍事推誤摧從范書竇融傳臣等退伏矯罪伏誤休從志兄弟之國者兄上行封其二字從左傳犬戎殺幽王犬誤天從史記周紀九國燕代齊趙梁楚吳淮南長沙也案長沙異姓不在九國中當以淮陽

足之又高祖時同姓封者十一人其曰九國者荆王賈無後代王喜棄國更以代封如意如意徙趙乃封文帝所獲已過過誤遙臣退惟寇賊不梟退誤恨驚

怖累息怖誤佈因驛上還所假左將軍宜城亭侯印綬左誤在竝從志案書中左在多淆亂後竝改章武元年勸學從事張奭奭志作爽蕭書同有氣如旗旗作旂加是年加誤如竝從志案書中旗旂加如多淆亂後悉改光祿勳黃權志同蕭書作柱音義有辨間黃龍見武陽赤水陽作揚從志案續漢志武陽犍爲縣又前關羽圍樊襄陽襄陽男子張嘉王休獻玉璽脫襄陽二字案張嘉王休蓋襄陽人乾祇降祚祚作

祥 名諱昭著諱誤諸竝從志 之武都擔土武志注

誤戊 高十丈十志注作七 上庸致其書脫上庸從

志注 二年于夷道獠亭駐營營誤管從志 帝大慙

恚慙恚作恚慙從志陸遜傳 黃權在江北北誤左

三年殆不自濟殆誤始從志書中始殆多淆訛後竝改

吾復何憂吾作朕或校從志 古今之盛軌也軌誤

軼 大夫曰卒夫誤人

議生澆及羶羶誤羶下滅羶同 使澆滅斟灌氏使誤便

竝從左傳 殺幽王驪山下王下行于字從史記 吳

本伯爵爵誤霸 緱氏緱誤維

贊於赫漢道於誤于 易九尾曰九尾漢書攷異曰應作

无妄蓋字形相涉而譌 次三百七十四陰九陰誤陽

凡四千六百一十七歲脫一字竝從班書律歷志

卷第三帝紀第二

義例晉謂孫皓爲後主歸命侯謂誤爲書中謂爲多互易
後竝改

末帝紀可不勉與三年夏四月三年提行或校從志不提

行案志不提行以下建興元年提行也郝君以建興元

年卽章武三年不踰年改元故以三年提行下書改元

建興削去元年然建興無正月非無元年據事直書其

失自見三年本繫章武已具昭烈紀中此處不應復提

行 生一子脫一字 相檢訊檢誤驗竝從志注 秋

八月遣尙書郎鄧芝脩好于吳案郎字衍此沿志之誤
詳見卷二 五年二十餘萬志注作二十萬眾而封
王侯而下衍威海內三字封下衍立字 放逐義帝而
自立脫自立 而不自責過矣脫而字矣誤失 非用
兵之罪也脫也字竝從史記 支富富誤當從志注
圍趙襄子于晉陽脫襄字從趙策 誅其元惡志注作
貸其元帥 七年春右將軍亮伐魏脫亮字 豫青徐
幽屬吳吳作孫從志陳震傳 九年夏六月亮擊魏將
司馬懿于鹵城大破之殺其將張郃案通鑑亮破郭淮
費曜于上邽敗懿于祁山殺郃于木門志木門作青封
郃傳亦作木門 十一年冬丞相亮使諸軍集斜谷口

脫口字從志通鑑 十二年初太赦案章武建興改元
皆大赦此不得爲初 十三年春脫春字 以蔣琬爲
大將軍錄尙書事脫事字竝從志 十五年秋七月皇
后張氏崩志作夏六月蕭書同 延熙元年暴秦之亡
暴志蔣琬傳作曩 二年夏以大將軍琬爲大司馬志
作春三月通鑑在夏四月後 四年夏大司馬琬徙屯
涪四年夏志作六年冬十月案通鑑琬請徙屯涪在曹
芳正始二年漢延熙四年也三年書姜維率偏軍還住
涪四年書琬還住涪是請徙在延熙四年徙屯在六年
此誤蓋軍府非可猝立得請先使維還勅置營落然後
徙大軍 五年春正月監軍姜維志同案監軍上當有

中字見志蔣琬傳蓋蜀有前後左右中五軍監軍亦有
五時維爲中軍監軍 六年冬十月遣前監軍王平督
漢中案志王平傳初副吳壹住漢中領太守後代壹督
漢中不言兼領太守延熙元年蔣琬住沔陽更爲前護
軍署府事六年琬還住涪拜平前監軍鎮北大將軍統
漢中是琬未住漢中時平已督漢中及琬住漢中則自
平以下皆屬焉故平更爲前護軍及琬徙涪漢中無帥
復拜平前監軍爲督是平本在漢中卽拜前監軍此作
遣前監軍誤通鑑以漢中太守王平爲前監軍鎮北大
將軍督漢中亦誤時平不領太守自前護軍拜前監軍
八年冬十一月大司馬琬薨原校蜀志蔣琬卒在九

年冬十一月查琬傳亦云至九年薨案通鑑琬卒在正
始六年時漢延熙八年也此沿其誤 九年以涼州刺
史姜維爲衛將軍與大將禕竝錄尙書事志姜維傳遷
衛將軍在十年此從通鑑案拜維爲禕副以蔣琬薨也
琬薨在九年冬維當卽以是冬拜衛將軍後主傳十年
春治無戴等降書衛將軍姜維迎逆安撫則其拜爵在
前明矣 十年春涼州胡王白虎文治無戴等率眾降
祇下衍等字從志 十六年衛將軍姜維伐魏圍狄道
通鑑同志作南安案晉志狄道隴西縣胡三省曰漢靈
帝中平四年分漢陽之獠道立南安郡南安狄道未知
孰是 十七年冬十月姜維拔狄道河間臨洮三縣民

居于絲竹繁縣民居誤倒從志 維與魏將徐質戰于河間敗績盪寇將軍張嶷死之志無此二十字案姜維傳維降狄道進圍襄武破徐質乘勝多所降下拔河間狄道臨洮三縣民還是維之棄地遷民非由軍敗殆以糧盡張嶷傳既到狄道軍前與魏將徐質交鋒嶷臨陳隕身然其所殺亦過倍通鑑漢姜維自狄道進拔河間臨洮將軍徐質與戰殺其盪寇將軍張嶷漢兵乃還溫公以張嶷之死不見維傳疑維先拔河間臨洮以兵敗還師遂刪拔民一節不知漢喪張嶷而破徐質猶楚亡陽句而敗吳師進拔河間臨洮卽維傳所云乘勝多所降下此從通鑑并置拔民一節于前似維既拔民還蜀

復出軍與徐質戰誤甚矣 十九年詔以維爲後將軍

脫後字從志姜維傳 二十年冬十二月後將軍維伐

魏 景耀元年後將軍維還成都後竝誤衛案維十九

年貶後將軍 炎興元年自非通明智達智達誤倒或

校從志注 遣紹良先還紹誤趙 二年太子璿璿誤

獻 君人之道也人誤子 是用應天順民誤是用順

天應民竝從志 以享無疆之休享下志有左右二字

又國不置史記注無官南監本陳志黃汝良序云後

主紀云史官言景星見豈是時史官主襍祥不司記注

耶 猶有未周焉脫有字從志評 案蜀志稱王崇補

東觀許蓋掌禮儀二句見史通史官浦起龍篇通釋云

續後漢書卷一
王崇許蓋蜀志併松之注皆無攷惟華陽國志有述作
王崇名見卷末官爲蜀守而不言曾補東觀至掌儀許
蓋仍亦絕無其人案許蓋疑是許慈之誤志許慈傳與
孟光來敏典掌舊文孟光傳與許慈等並掌制度是慈
不獨攷正文籍兼典禮儀矣

卷第四上列傳第一上

昭烈甘皇后傳追尊皇妣梁貴人爲皇太后脫尊字從范
書孝和紀

穆皇后傳何與晉文之于子圍乎與作異或校從志

張皇后傳李昭儀曰我不能二三屈辱脫我字從志注

議利女貞作女貞吉從易家人 呂氏上官氏脫下氏字

而弟絕幸爲昭儀弟誤帝從班書孝成趙皇后傳 尊
爲皇太太后皇太太誤作太皇太從班書孝元傳昭儀
傳 易祖師師誤帥從班書丁姬傳注祖始也丁寬易
家之始師 牀第之間第誤第 昭儀位視丞相丞誤
承從班書外戚傳序 帝太太后皇太太后作皇太太
后帝太太后案孝元傳昭儀傳稱帝太太后在稱皇太
太后前丁姬止稱帝太后知二句誤倒 言宜立丁姬
爲帝太后丁姬班書師丹傳作定陶其王后案外戚傳
其王后張氏丁姬乃其王妾 如長信宮中宮下宮字
誤官 其尊恭皇太后爲帝太太后丁后爲帝太后脫
下帝字並從傳昭儀傳案恭皇太后卽定陶恭王母傳

昭儀也帝太后下哀紀有稱永信宮四字

卷第四下列傳第一下

魯王永傳小子永受茲青社小作少社作土 朕承天序

序誤子或校竝從志

梁王理傳往悉乃心往誤性從志

贊齊悼惠王肥脫惠字從班書

卷第五列傳第二

標目劉焉附任安任誤仕從目錄案書中任仕多互易後

竝改

陳王寵傳子寵嗣脫子字從范書陳敬王羨傳 俊字孝

遠烏傷人傷誤陽陳敬王傳注作桓案班志會稽有烏

傷烏程二縣續漢志烏程分屬吳郡止存烏傷陽蓋傷

之形誤 是時諸國無復租祿是時作自是案黃巾董

卓寇亂相繼諸國租祿時已久絕非由陳破敗始也從

陳敬王傳 東海恭王强後汶陽侯羨案范書東海恭

王傳懿王祗初平四年遣子琬至長安獻帝封琬汶陽

侯祗立四十四年薨子羨嗣是封汶陽侯者琬非羨也

此誤 不得遷徙仕宦宦誤宦

劉繇傳父與一名方有雋才案范書劉寵傳不言方有雋

才志注云繇岱皆有俊才此誤 自若耶山谷間遮寵

自誤放從范書劉寵傳或校云放疑作於案寵傳作自

若耶山谷間出人齎百錢送寵是父老本住若耶出山

送寵非於山間遮寵也 入居九列入誤八案書中入
八多淆誤後竝改 會稽富實實誤貴 若收合吏民
收誤牧竝從志注 原校志注無此五字脫注字案原
校多以志注爲志原注多沿志注臣松之之文後未悉
改其改者亦不更記 孟德景升孟誤蓋從志注 捐
旣往之猜猜誤精從志 保六尺之託保志作報 青
州黃巾大入州界入誤人從志武紀

劉表傳宣靖公緒恭緒誤褚志注同案范書黨錮傳作緒
注公緒姓也 號爲八顧案此非三君八顧之八顧志
注云爲八交或謂之八顧 又與汝南陳翔范滂魯國
孔昱渤海苑康山陽檀敷張儉南陽岑晷爲八及及志

注作友案范書黨錮傳八及有翟超無范滂此從陶潛
羣輔錄 范滂字孟博汝南細陽人范書滂傳作征羌
人案來歙傳改汝南之當鄉縣爲征羌國而班志汝南
無當鄉縣水經潁水又東南逕征羌縣注故召陵之安
陵鄉安陵亭也與續漢志召陵有安陵鄉征羌侯國有
有安陵亭合細陽班志莽曰樂慶顏注云居細水之陽
與征羌絕遠此從謝承書 檀敷字文友友范書敷傳
作有 宗賊甚盛而眾不附甚誤雖范書同從志注案
下蒯良曰眾不附者仁不足也是眾不附表謂荊州人
不附已雖義未協 愛民養士養誤義從范書 郊祀
天地祀誤祖 君爲我觀其釁君誤昌 漢晉春秋脫

漢字竝從志注 今與諸君據全楚之地君誤軍從志
案軍君書中多互易後竝改 心高志潔智淡慮廣作
心志高潔智慮淡廣或校從志注 治中從事鄧羲諫
治誤侍范書同從志注案州佐無侍中從事蓋因操以
羲爲侍中而誤 附蒯越求出爲汝陽令佐汝誤南從
志 附劉先劉牧如何郊祀天地郊祀天地馮本作郊
天祀地毛本脫祀字地作也

贊焉殺漢使漢使作本顛案本顛與焉殺不協志劉焉傳
云殺害漢使今據以改

卷第七列傳第四

种劭傳以身殉國殉誤徇 不能除殘復怨復誤服竝從

范書种暠傳

議殆如膏肓之疾旨誤旨

王允傳附趙戩關羽忠義張飛勇而有義案書中多以關
侯爲關忠義此羽字當衍

卷第八列傳第五

韓遂傳嘗爲天水關干尉後失官失誤共 涼州郡募發民
有勇力者脫發字竝從志馬超傳注 涼州牧韋瑞和
解之瑞誤端從志馬超傳注 寬而多忌多誤能從志
鍾繇傳注 魏黃初時脫時字 手書與行曰脫行字
從志張旣傳注

議肆獠賈怒獠作獠案字書無獠當是獠之誤操聞孫策

定注東曰獬兒難與爭鋒 跳跟河右跟作跟案說文
跟足踵也與跳義不協莊子跳跟乎井幹之上廣韻跟
呂張切跳跟也 發閭左戍漁陽漁誤浦從班書陳勝
傳

卷第九列傳第六

袁紹傳上元和三年拜司空和誤初從范書章紀袁安傳
及與公卿言公誤分 安帝元初二年安誤和二誤
三袁做傳同從范書安紀 加傾心折節加誤皆從范
書 伍德瑜等脫等字 出後伯父成脫成字竝從志
注 紹使客張津說何進案范書何進傳張津進客也
客上當有進字 又永樂太后與諸常侍常誤帝從范

書何進傳 可勿入官勿誤忽 事畱變生畱誤劉竝
從志注 復為竇氏矣復誤後案書中復後多淆誤後
竝改 紹既斬宦者所署司隸校尉許相案范書何進
傳讓珪為詔以故太尉樊陵為司隸校尉許相為河南
尹又云袁紹與叔父隗矯詔召樊陵許相斬之此沿陳
志之誤 捕諸閹宦閹宦作閹官志作閹人范書何進
傳作宦者或校改 及其新至罷勞脫及字范書同從
通鑑 人有小智大或癡小志注作少此從通鑑 未
有失德聞于天下失德志注通鑑作不善范書同此參
取董卓傳盧植語 河南太守王匡脫太守二字從范
書李注云王匡字公節泰山人也 濟北相鮑信等相

誤海從范書 仙屯潁川上志武紀有術屯南陽四字
尺口以上皆殺之殺誤救 悉埋青城門外埋誤理
脫城字竝從范書注 焚燒宮室燒誤傷從范書董卓
傳 卓遣少府陰脩等脩作循范書紹傳同獻紀作脩
通鑑同當已攷定從之 忌其得眾忌誤忘從范書其
范書誤方 遣從事守紹門不聽發兵案韓馥禁紹發
兵在起兵勃海之先此繫於紹等各執其使殺之下沿
范書之誤 天子危逼子誤下從范書 今宜視他州
有發動者脫州字動誤初從通鑑 阿凶逆凶誤兵從
范書注 初青州刺史焦和亦起兵討卓脫兵字從通
鑑 紹使與南單于於扶羅屯漳水於誤于從志武紀

後竝同 承制以馥爲奮威將軍使監護諸將寵遇甚
厚案范書作以馥爲奮威將軍而無所將御使監護云
云通鑑在以廣平沮授爲奮武將軍下 卽表授爲監
軍奮武將軍武志作威此從范書 初辟太尉府脫辟
字從志注 公孫瓚大破青州黃巾于東光還屯廣宗
案志瓚傳瓚欲攻紹屯軍槃河紹懼以勃海太守印綬
授瓚從弟範範遂以勃海兵助瓚瓚破黃巾進軍界橋
范書獻紀初平二年十一月黃巾轉寇勃海公孫瓚與
戰於東光三年袁紹及公孫瓚戰於界橋在夏四月前
是瓚軍槃河紹始以勃海授範範舉兵助瓚適黃巾來
寇瓚引兵救範太破黃巾遂乘勝進逼冀州紹因出軍

與戰也英雄記所云還軍廣宗亦指東光破賊後進兵
界橋先言此移東光之捷于出軍槃河前沿范書紹傳
之誤通鑑同上疏數紹罪惡脫紹字璣又遣兵至
龍湊脫龍字同輿共出輿誤與竝從范書恂出迎
于道脫出字從范書寇恂傳此誠將軍之眷眷作恥
范書作羞從志注 歷法三月建辰巳卯退除案歷建
辰則巳爲除卯字疑衍 鹿腸山范書同腸志注作場
擊諸賊左髭丈八等丈誤文從范書髭志注誤髮
于氏根等氏作羝或校從志注范書 夏六月天爲降
霜六作五范書注同或校改 故卽臣勃海卽誤節從
范書案書中卽節多互易後竝改 未有織芥之嫌未

誤本 角戎馬之勢角作交 將乃讒慝之邪說乃誤
無慝誤恩 勤不見紀紀誤絕 太傅日磾磾誤殫竝
從范書 宣子未出山而復山誤亾從左傳 毛萇注
曰尸鳩之養其子案尸鳩云云鄭箋非毛傳此沿范書
注之誤 執義亦如此義誤儀從鄭箋 徙都之計脫
之字從范書 在于持牢通鑑同胡三省云持牢猶今
南人言把穩也范書作將軍當是將牢之誤將牢見晉
書姚萇載記

袁紹傳下忠臣慮難以立權慮誤處案討操檄志注范書
選竝載凡此脫誤從三書補改其互異者列焉注則仍
著其所本後仿此 專制朝權志注范書作朝命 終

續後漢書卷一
四卅の
有望夷之禍禍選作敗 及臻呂后季年及誤乃 決
事省禁省禁范書作禁省 先明顯融顯融范書作融
顯 中常侍騰志注作騰故中常侍 與左悺徐璜悺
誤瑄 因贓假位假范書作買 輿金輦璧范書作
寶 本無懿德懿志注范書作令五臣選同 昔統鷹
揚昔選范書作重 發命東夏夏誤下 收羅英雄收
范書作廣志注收上有方字 棄瑕取用瑕誤假取志
注范書作錄 同諮合謀范書作參咨策略 授以裨
師志注范書在被以虎文下師五臣選作帥 至乃愚
佻短略志注范書略作慮 修完補輯輯作葺或校改
案說文輯車和集也葺茨也玉篇修補也義竝通 表

行東郡下志注范書有太守二字五臣選同 將臧威
柄將范書作獎選同案選注云魏志作獎是選本作將
故注引魏志以明之臧范書作就 獎勸也誤楚也注
言獎成其威柄也威誤戚竝從選注又也下誤衍陳
志作賊非也六字 而操遂承資跋扈肆行凶忒承志
注范書作乘凶忒志注作酷烈 殘賢害善善誤能
英才俊偉偉志注作逸 身首被梟懸之誅誅范書志
注作戮 故復援旌擐甲援誤授擐誤還 布眾奔沮
奔志注范書作破 後會鑿駕反旆羣虜寇攻志注范
書反旆作東反寇攻作亂政 卑侮王室范書室作僚
百僚鉗口道路以目志注范書二句倒 故太尉楊

彪歷典三司歷典誤倒三范書作二志注馮翁本同毛
本作三案范書帝紀彪歷司空司徒太尉作三是 享
國極位享國范書作元綱 榜楚參并五毒備至觸情
任忒志注范書參并作并兼備作俱任忒作放慝 操
欲迷奪時明時明誤倒或校從選范書志注作時權義
與迷字不協 又梁孝王先帝母弟弟誤昆選同志注
范書作弟案班書梁孝王傳孝王景帝同母弟也 桑
梓松柏志注范書作松柏桑梓 猶宜恭肅猶誤尤案
書中猶多作尤後竝改 破棺裸屍棺誤梓 動足觸
機陷觸志注范書作蹈 歷觀載籍無道之臣貪殘酷
烈志注范書觀下有古今二字載作書籍下有所載二

字無道二語倒酷作虐 加意含覆選作加緒含容
乃欲摧撓棟梁摧撓志注范書作撓折 強禦桀逆禦
選作寇 外助王師外志注范書作欲託 內相掩襲
內相志注作以相范書作以見 覆滄海以沃燹炭沃
范書作注 咸怨曠思歸咸誤或 方今漢室陵遲志
注范書方作當室作道 綱維弛絕志注作綱弛紀絕
范書作綱弛網絕 焉能展其節下有義字案志注范
書無此數句從選 又操持部曲精兵七百持五臣選
作特志注范書作以 外託宿衛內實拘執志注范書
作外稱陪衛執作質 懼其篡逆之萌志注萌作禍范
書同無其字 夫勢存存作在從范書 而將驕主怵

范書將主互倒 紹先遣顏良攻操將劉延于白馬攻
作禦案是時延守白馬良往攻之非延來攻而良往禦
從范書 官渡或校云范書作官度水經注葭蕩渠經
曹公壘北有高臺謂之官度臺 豐知紹將敗將作必
從志注 紹將孟岱言于紹或校云范書作孟岱因蔣
奇言于紹 乃髡頭墨面墨作黑從志注 譚遂引兵
攻尙戰于門外或校范書作外門注郛郭之門 諸城
皆應城誤地從志王修傳 皆我之有無之字從志辛
毗傳注 此孤與太公無貳之所致也致誤至從志注
以相征討征誤伐從左傳 昔齊襄公昔志注范書
作若 夫伯游之恨于齊夫誤大 齊滅之三字脫

何賢乎襄公復讐也脫乎字竝從公羊傳 以濟事爲
務濟事志注作匡國 捐棄百痾捐作損或校從志注
請京請誤親 周公有商奄之師公志注作武 非
強弱之爭或校云志注之下有事字爭屬下讀 滅親
不尤誅兄不傷或校云志注尤上有爲字傷下有義字
纂繼前轍或校云志注轍作軌案范書注同 惟義
是務義范書注作曹 以平先公之恨平志注通鑑作
卒此從李注 乃議曲直之評李注同志注通鑑評作
計 共獎王室王誤土 遵而不改李注同志注通鑑
作違 復能戮力仁君之役哉李注同志注通鑑仁作
爲 犬廢于後犬兔俱罷各死其處廢誤發罷誤廢處

誤所六齊王懼謝將休士脫懼字士下衍也字竝從國策憤躍鶴望躍志注作踊不然死且無後然誤欲此其爲伯討奈何伯誤不靈公逐蒯瞶而立輒脫輒字案是注非公羊傳原文然輒字不可省時凶臣逢紀逢紀范書作郭圖案下將軍亦奉命承旨加以淫刑指譚殺逢紀言范書誤請各畫地爲蛇脫各字引酒且飲下衍之字竝從國策我將軍奮赫然之怒志注無我字案審配書稱尙爲我將軍此亦指尙當有我字志注脫不相爲傷傷志注誤賜何圖凶險讒慝之人無之人字或校從志注遂放兵鈔突志注突作撥至于髡髮膚至于志注作或有被于草棘

被志注作號豫有分數數志注作界以上財物婦女推之作數是輒使身體完具而已具誤俱從范書輒范書作趣使太夫人憂哀憤懣懣范書作隔隕先公萬世之業或校云萬志注作高范書作不辭不獲命或校云命志注作巳是時外爲禦侮志注作難案此下范書刪而加屠辱志注脫加字亦謂將軍少垂親親之仁將軍下志注有當字以干嚴刑刑志注誤行縱情重怒或校云重志注作肆此下又有趣破家門企踵鶴立連結外讐十二字案連結外讐謂譚之求救于操也似不當刪配等亦當敷躬布體以聽斧鑕之刑志注敷作袒聽作待度門廣狹之范書同

畢校墨子無之字 令人入門四尺中范書注同畢校
墨子作令之入門中四五尺 置窰竈竈作突毛本范
書注同案墨子備突篇作置窰竈畢校云窰後漢書注
引作窰非不云竈引作突是李注亦作竈也 充竈杖
充誤尤杖誤狀從范書注墨子 又置艾 鼓橐薰之
也范書注竝同墨子置作柴無也字 斫問事杖繫馬
邊馬誤焉案書中馬焉多誤後竝改 收縛之收誤將
竝從志賈逵傳注 於井獲之脫於井二字 配一代
烈士配誤既竝從志注 正南卿竟何如我何如誤倒
而譚悉收其眾收誤牧竝從志注 若得斂譚屍得
誤欲從志王修傳 案田疇傳脫案字傳下行云字

不被譚命被作受竝從志王修傳注 物以萬數以誤
百從志王修傳 當立大義脫立字從志 熙疑不欲
進脫熙字 坐于東地坐誤出 嫡子輕而庶子重嫡
誤摘竝從范書

袁術傳上遣太尉馬日磾因循行拜授授誤校從范書
當塗高者脫者字 袁氏其後也火生土氏誤代火誤
袁竝從范書注 劫天子出奔天誤太從志孫堅傳注
虞喜志林曰傳國璽者虞喜志林曰作裴松之曰美
裴松之曰孫堅于興義之中裴松之曰作又曰案志孫
堅傳注傳國璽云云虞喜志林之辭孫堅云云世期駁
喜之詞下若如喜言云云可證荀氏見論中雜引起居

注漢官世紀疑傳國璽云云皆出于世期誤移裴松之三字於上 若如喜言喜誤壽從志孫堅傳注 而河北通謀黑山通范書誤異 公孫魚然朔北朔誤翔 橐弓戢戈戈誤弋 卓雖狂狡卓誤車 則旦爽之美 爽誤爽竝從吳志孫策傳注

袁術傳下自稱仲家范書注仲或作冲 沛相陳珪故太尉球弟子也脫子字從志案范書球傳云弟子沛相珪 虐流天下虐誤虛 若迷而知反脫若字 故陳至情四字脫竝從志注 畱張勳橋蕤于蕪范書蕪下衍陽字李注以江夏之蕪陽當之案上云術聞大駭走渡淮是蕪當在淮北江夏蕪陽在淮南非是通鑑注謂是

沛國蕪得之 時舒仲應為術沛相應志孫賁傳作膺 裴注仲膺名劬袁術時為阜陵長 術以米萬斛斛誤解 術果以有心志脫術字從志注 雷薄薄誤簿從志及注 坐簣狀簣誤簣志注作櫛 陳志董卓袁紹袁術劉表共一傳脫袁紹二字 殆未之有也殆志作殊當誤 威有威容器觀咸誤威 聞善而不能納脫能字竝從志

贊豈劣攸詡詡作謝案操之謀士無名謝者以言旁與下古韵求之當是詡字攸詡荀攸賈詡也

卷第十列傳第七

陶謙傳信用非所范書同通鑑非所作讒邪 原校案紀

作闕宣注云注誤乃 丘園志注園誤牆 并見係虜
 并志注作夕 嘗遣使譬解令罷兵譬誤警 操以謙
 不奉詔征之之字空從志補 在今沂州永縣南承誤
 城從續漢志案承或作承古字通
 公孫度傳惡度志作惡度所為 晉陽秋日脫日字從志
 注 分遼東郡為遼西郡志遼西下有中遼二字 太
 和二年淵脅奪恭位叡因拜淵揚烈將軍叡因志作明
 帝即位案太和二年明帝即位之二年也志衍位字見
 考異 階緣際會際誤濟從志注 使騎劫代將代誤
 伐從史記樂毅傳案書中代伐多誤後竝改 仗劍亾
 仗誤伏從漢書 時不世遇世遇誤倒從志注 以此

事人事志作示疑誤 若涉淵水水誤冰 猶繫囚枯
 木囚誤因 豈復是過是誤易 戎輅戎誤元竝從志
 孫權傳注 洗耳之風風誤歐 後年向海門年誤平
 積有年歲年誤餘 是以決計斬賊之使決誤次
 加仕本郡郡誤部 陸賈陸誤陵 由是疑怖怖誤佈
 非獨出儉儉誤俗案儉謂母丘儉 大司馬長史臣
 郭昕脫長字案大司馬即漢之太尉續漢志太尉屬有
 長史無史 敘烏合之民烏誤鳥 乃慕託高風託誤
 訖 欲自結援結誤接 絕強吳之歡歡誤權 當在
 八議當誤帝 臣等維持臣誤巨竝從志注 排門遁
 出志注同案淵使官屬上表言民夷之盡力于己遁字

於義未協當是爭之誤文。近郊農民近誤迎從志注
八乃躬身馳驚志注無身字。案爾雅釋詁躬身也躬身
同義古人行文往往疊用如悅懌般樂皆是。仗和睦
之民仗誤伏。昔荆通言直直誤且。則我虜其旁郡
則誤明竝從志注。諸軍至首山至作進志注作諸軍
進至首山案當去進存至。繫晃繫誤擊。有頭目口
喙喙誤啄竝從志注。

議瓚始從與義烈與誤吏

卷第十一列傳第八

標目士燮下目錄附子徽廡燮弟壹黼武壹弟匡此竝脫
張燕傳轉攻還真定還字脫從志案燕真定人轉攻他縣

復還真定 白騎張雷公范書通鑑竝作張白騎雷公

志注作張白騎張雷公 司隸掾城原校後漢書作掾

哉九州春秋作緣城城誤成案范書朱儁傳注陳志袁

紹傳注引九州春秋竝作城緣城蓋善於攀緣城堞者

猶饒須者號于羝根作掾哉似誤 小者六七千千誤

萬案志注作小者不減數千 朝廷不能討能誤得案

志作靈帝不能征 遷天子于長安無于字或校補

張繡傳遂招合少年合誤令 操聞其不悅其誤而竝從

志

議軍遮要害誤蓋案通鑑作要注先以軍遮要害之處或
云遮要地名

士燮傳以事免官事誤書案志作公事 交趾志作阡
案說文止下基也象草木出有地故以止爲足是交趾
字本作止阡與阡同基止字之孳乳書中作趾相沿已
久仍之 眈玩春秋眈誤晚從志 搖指之案搖謂搖
其頭指謂指其藥志注指作稍文義不協 建安末年
脫年字 莫善于信 莫善于義信義互易從志注
贊威彥賢伯威彥誤倒從志及傳文

卷第十二列傳第九

黃琬傳江夏上蠻賊事上誤土案上以事上聞也 允發
書視畢視誤事 事下御史中丞王暢脫中字案續漢
書百官志御史臺有御史中丞無御史丞 韙暢素重

蕃琬脫韙字 舉措稟其成式措作厝或校改案班書
厝火亦假厝然說文云厝厲石也則厝爲攻厝字與措
異 所以傾而未顛傾誤領 徵拜將作大匠脫拜字
政績爲天下表表誤表竝從范書 光武卜東都以
隆漢原校云後漢書作下東都案毛本後漢書作卜原
校都下衍讀字 注白公勝將弒楚惠王脫將字弒誤
殺范書注同從新序
卷第十三列傳第十

議夫蠶蠶起懷夫誤大 未有不允豫奪常者允豫誤沈
預案允李賢音淫 抽刃嚴閣之下嚴誤白案范書史
論作抽白刃嚴閣之下此當去白存嚴寫本誤嚴爲白

范書以爲岐著孟子章句作范書以孟子爲要子章句或校改要爲孟仍不可通案范書趙岐傳云岐多所述作著孟子章句三輔決錄行於時今據以改

卷第十四列傳第十一

標目馬日磾磾誤殫從范書馬融傳

馬日磾傳使耕者東其畝公羊無其字以蕭同叔子爲質則我舍子公羊以上有且字叔作姪舍子下有矣字東其畝則是土齊也不可公羊無其字則是倒寫本脫不字一戰而不勝再戰而不勝三戰而不勝何必蕭同叔子公羊無三而字何必下有以字叔作姪案此注與公羊傳原文頗舛錯當苟氏意爲增損故

止補一不字而爲人臣明當誅也案公羊何注無而字也字此衍鄭子家卒卒誤辛從左傳

議王以和爲詐韓非子詐作誑下而名之以詐同泣盡韓非子泣作淚爲術所畱畱誤誅

陳登傳球兄子珪案志袁術傳兄作弟范書陳球傳同注引謝承書作兄此從李注拔戟斫机斫誤所祖郎焦已已作以案已以古通然名當專一從志注十倍于郡兵倍志注誤誅望君憂國忘家忘誤亾

太史慈傳詣公車門詣誤諸從志書中詣諸多相誤後竝改慈問曰更遣吏通章志毛本同馮本翁本慈誤態通誤有求兵出斫賊斫誤所直突圍中脫中字

竝從志 原校陳志作二騎卒通志作一與此同案志
毛本亦作一騎馮本翁本誤二騎卒讀如卒然之卒屬
下讀 惟涇以西志馮本翁本同毛本惟誤推 披斬
其袂左傳袂作祛此從本文 然非縱橫之人脫之字
從志注 以手持樓斨手誤乎從志 子亨志毛本同
馮本翁本作享案字元復義與亨協作享誤
卷第十五列傳第十二

諸葛亮傳遣朱皓代元皓從揚州刺史案志毛本同馮本
翁本朱誤周刺史誤太守 禁錮魚肉魚誤骨 三人
問其所志志裴注作至案至承上可至刺史郡守言作
志似誤 丈夫遨遊文誤大從志注 徽爲冰鑑志龐

統傳注鑑作鏡通鑑冰作水天下有變有誤大 行三
百餘里脫餘字 并力拒操并誤竝俱從志 薦亮于
孫權薦誤爲 甚重諸葛葛誤曹 甫懷擇主甫誤南
竝從志注 亮時住臨丞丞誤蒸案水經湘水注作臨
承因承水得名地理志長沙國有承陽注在承水之陽
承音蒸續漢志零陵郡之丞陽卽其地是丞承本通蒸
因丞誤 亮關羽畱鎮荊州脫亮字州下衍土字 宜
城城誤成 若乃和光悅遠光誤元 約法三章約誤
納 可以宏濟可誤所 王漢中脫中字 奉承天統
天志作大 歎曰歎誤歡 論者惑焉惑誤感 謹隨
事難之事誤時 姦形外漏漏誤滿 又謂亮云作又

按柯字札記中
校當作柯此不
宜別出柯字

諸葛亮云竝從志注 何以摧服強鄰摧誤推 武王
之于周公武誤我 前參事于幼宰事誤軍從志案幼
宰董和字參事謂和嘗與亮共署大司馬府事 主簿
胡濟也胡誤吳 因遣芝往因誤白 五梁五誤王
輿而致之輿誤舉 微乃畱乃誤而 誅房諸子子誤
之竝從志注 牂牁太守朱襲越巂夷王高定脫朱襲
二字越巂下衍太守二字從通鑑 故稽畱久之誤作
故畱稽首久之案志王連傳作故停畱者久之 秉帝
者之勢勢誤執從志注 其甲士甲誤中從范書光武
紀 以其譎勝之力譎誤謫從志注 奉進驩輿滔天
之辭奉誤奏從志注進馮翁本同毛本作迎 可得干

擬者哉擬誤碍 志注曰誤蜀志曰 卽其渠率率誤
卒 面紀綱粗定粗誤初 早世遐殂世誤毋 社稷
不建建誤逮竝從志注 每崇菲薄志毛本同馮翁本
崇作從 今賊倣尤倣誤郊 皆受茅土之慶受誤援
慶誤廣 若其沈迷不反迷誤速志注作迷沈 亮命
長史張裔脫長史從志注 愚以爲營中之事事無大
小案陳志通鑑文選皆少事無大小句 劉備以建安
十三年敗脫年字從志注 一年時也志注毛本同馮
翁本一誤二 蜀志載亮表云若無興德之言則戮允
等以彰其慢今此無上六字案蜀志云云文選注今此
無上六字誤作今卻無此八字從選注若無興德之言

見志董允傳 文選謀作課案文選五臣本作課六臣
本亦作謀 菴幔菴誤幕案草蓋曰菴布帳曰幔 候
邏還白候誤後還誤環白誤曰 頓使將重兵重誤軍
何用討賊耶耶誤卽竝從志注 黃襲等襲誤龔從
志王平傳 謾違亮節度亮誤亭 天水功曹姜維水
誤承竝從志功曹通鑑作參軍案志維傳賜維官中郎
參本郡軍事作功曹誤 辟爲倉曹掾典軍事平三郡
有功封亭侯脫曹字掾下衍史字典誤興從通鑑平三
郡有功志無其事維傳作加奉義將軍封當陽亭侯
幾敗伯山攷異云胡三省謂與烏桓戰于白狼山時也
古書白與伯通 散關之役役誤後 原校陳戒戒誤

成從通鑑 原注胡寅斐然集云八年使魏延西入羌
中大破郭淮及費瑤于陽谿案原注云云是後魏延破
郭淮于陽谿注文寫本誤在遂平二郡下 而利不取
也脫也字從志注 司馬懿由西城張郃由子午谷曹
真由斜谷寇漢中案志曹真傳作真從子午道懿沂漢
水諸軍或從斜谷或從武威此從後主傳漢水經西城
故或曰漢水或曰西城非互異也 比能等來歸故北
地石城皆應志注作比能至故北地石城以應亮案北
地漢郡石城其屬縣魏時已廢因謂之故蓋比能寇魏
邊地以與亮相應非比能等降漢而魏之北地石城亦
應亮也此似誤 自逆懿等於上邽於誤以張助聲

勢勢誤執 古人所惜惜誤措竝從志注 謀出曰謀
誤謀從左傳 自征蜀蜀誤罰 亮時在祁山時誤恃
卻宣王卻誤克竝從志注 世期謂無徑向劍閣之
理是也向誤行也誤以 張枻枻誤拭 何以便歸便
誤更從志 平嘗與亮書脫書字 勸受錫錫誤賜
亮報之曰報誤執竝從志注 息民三年脫民字從通
鑑 亮卒于郭氏塢脫氏字 蓋因亮身亾因誤固竝
從志注身志注作自疑誤 時帝亦遣尙書僕射李福
省侍時誤待 羣僚迎謁于數十里外羣誤郡從志費
禕傳 亮之營壘處所壘誤纍 朕用傷悼心肝若裂
傷誤喪裂誤烈 紀行命諡誤紀命行諡 不使內有

餘帛脫不字內下行死字竝從志 曲盡其情盡誤請
竝馬超超誤趨 中書郎向充等充誤克從志注 勛
蓋季世下志注衍一興字 故後代遵之遵誤尊 是
以吏不容姦吏誤利從志注 反之正誤作之正反
因快快懷恨脫一快字 凡二十年無赦案志先主章
武元年後主建興元年竝書大赦此書帝紀同云二十
年無赦誤蕭書作纔兩赦 吳漢病篤篤誤奪從范書
吳漢傳 師止如山志注無師字 三郡復叛志注無
叛字竝似誤脫 亮勇而能鬪鬪誤聞後二鬪字同
此其疑徵也疑誤能 亮之在街亭也街誤衙 亮屯
去數里去誤兵 其所興造所下行以字造誤道 所

至營壘至誤以 器械利械誤檢竝從志注 朝會不
譁志注馮翁本同毛本譁誤華 亮治本者也治志注
作持案治本與上治實同意作持義淺 吳大鴻臚張
儼儼誤儀 起巴蜀之地蹈一州之士起下衍于字土
誤上 使耕戰有伍伍誤五 若此人不亾亾誤忘
涼雍不解甲甲誤申竝從志注 戰士不備五萬志注
備作滿案備具也義亦通 自可閉關守險險誤儉
海內歸向向誤高 生獲于禁于誤子 未可偏恃也
恃誤時 特行者數十里十誤一 爲牛鞞軸軸作鞞
竝從志注 孔徑中二腳杠二誤三志注同從通鑑注
魚復復誤腹 巴蜀雪消之際巴誤水案唐許渾登

歆臺詩巴蜀雪消春水來 各高五尺尺作文 相去
九尺九誤凡 在彌牟鎮者脫鎮字竝從杜詩會粹所
引成都圖經 晉平陽侯相陳壽平陽作陽平案晉志
平陽郡有平陽注云侯國又有南平陽亦侯國不屬平
陽郡若陽平郡之陽平非侯國也從志晉書陳壽傳作
陽平令 法檢上法誤注法檢下同竝從志 凡十萬
四千一百二十二字志作十四萬四千一百一十二字
輒刪除複重除誤險 隨叔父脫隨字 卽遣兵三
萬人脫兵字 乘勝克捷勝作勢 則未有能蹈涉中
原脫有字 未能有克能有誤倒 周公之誥之誤文
竝從志注 周公與臣下臣志注作羣 邁蹤古聖志

注馮翁本同毛本蹤誤縱

贊龍盤初九案太元龍蟠于泥陸雲詩龍輝淵蟠字皆作蟠此從袁彥三國名臣贊初九龍盤之文蟠盤古通

幡然而改幡誤番 蜀記日記誤志 登隆山以遠望遠望誤倒 則亦般模亦誤非 寧比管晏比作彼志馮翁本同毛本作此案武侯自比管樂文蓋用此作彼非竝從志注

卷第十六列傳第十三

關羽傳蜀記曹公曹公與劉備寫樣誤重曹公二字 策

馬刺良馬誤高從志 斯實曹氏之休美脫斯字從志

注 別遣羽船會其至夏口案志云別遣羽乘船數百

艘會江陵曹公追至當陽長阪先主斜趣漢津適與羽船相值其至夏口此似有脫誤 將軍傅士仁案楊戲

輔臣贊無傳字士仁字君義士姓仁其名也攷異云傅

字衍孫權呂蒙傳俱無傳字 陸渾民孫狼等民誤氏

從通鑑 又自已得于禁等志同案自當作時 案呂

蒙傳云伏精兵案誤挾精兵誤倒從志注 皆取偽之

術也偽疑作羽 及羽得于禁得誤以 請討羽自效

脫羽字 于臨沮沮誤阻注同案續漢志南郡有臨沮

侯國竝從志 表送羽首于曹操并求屍以諸侯禮

葬之案志注權送羽首于曹公以諸侯禮葬其屍骸是

羽屍權葬之不與首共葬也武紀權擊斬羽傳其首亦

不言求屍禮葬此誤其景曜元年追諡曰忠義案志羽傳追諡羽曰壯繆侯無年月後主傳景曜三年秋九月追諡故將軍關羽張飛馬超龐統黃忠當卽壯繆之諡四年春三月追諡故將軍趙雲前後更無追諡之文此忠義之諡郝氏謂在景曜元年又書中稱忠義甚多當別有據

張飛傳所過戰克過誤遇 延頸鶴望朕用怛然鶴誤在怛誤恒 昭烈聞飛都督之有表也飛誤張 苞子遵遵誤道竝從志

黃忠傳追諡剛侯追誤進從志
議則有未盡者有未誤倒

馬超傳與邊章韓遂等韓誤輕從志 李堪志武紀堪誤

塠 陰欲突前捉操突誤矣 遂超奔涼州操追至安

定遂誤逐追誤退案操自渭南西至安定非退也 韋

康韋誤章竝從志 曹操使夏侯淵救冀救冀二字誤

殺從綱目 闔門百口闔誤閭從志 數害其能通鑑

同志注數誤欲 超遂從武都遂誤隨 未旬脫未字

從志注 因爲前都亭侯亭誤亮從志攷異曰前字疑

衍先主傳亦稱都亭侯案超以破郭援功封都亭侯昭

烈復其前封故曰因爲前都亭侯 進爵陳倉侯進誤

追從志

卷第十七列傳第十四

標目法正下附祖父真脫祖父真三字從目錄

法正傳字孝直孝誤考從志 欲相屈為功曹屈誤屬

初真年未弱冠真誤其竝從志注 凡一履司空一誤

二三登太尉登誤等竝從范書胡廣傳 軍無輜重

輜誤輕 未聞勤民勤志作動 是以捐身于外捐誤

損 禍患在速速誤逸 貪極所懷貪誤食竝從志

原校陳志作相遷通志作相選案馮翁毛三本竝作相

選 又不量強弱之勢量誤童 欲得以多擊少擊誤

學 求容取媚容誤客 正雖獲不忠之誦獲誤護

實竊痛心竊誤而 進園成都園誤園竝從志 卑身

厚幣以招賢者卑誤早招誤昭從史記燕世家 以共

國國作圖案其國其治國也義亦通 則友于不穆友

誤反 安在其可以寵先而有以感致者乎先誤光脫

致字案寵先謂寵先許靖以感致賢人也 正務眩惑

之術惑誤感下何以釋遠近之惑乎同 猶以權計蒙

寵計誤記 而盛以封墓盛誤甚案盛孫盛也 尋蔣

濟之論濟誤齊 卓初秉政脫卓字 在卓未至之前

至誤知 皆應擯棄擯誤兵竝從志注 太縱橫縱誤

統 故言如此故誤固竝從志 失政刑矣政刑誤倒

夫聽用嘉謀聽用誤聰明 非測實之常言也常誤

當竝從志注 漢陽太守攷異曰漢陽即天水也三國

屬魏更名天水法邈蓋遙領之 雖好尚不同同誤用

從志

議統勸昭烈襲取益州益作荆案志統傳先主領荆州統

以從事守耒陽令是昭烈用統在領荆州後作荆誤

卷第十八列傳第十五

標目費詩誤曹詩從目錄及志

孫乾傳昭烈為曹操所敗遣乾自結袁紹志作先主之背

曹公遣乾自結袁紹案昭烈與紹相結在殺車胄後時

猶未為操敗也此誤

議而悼喪其親悼誤盜親下衍不知其罪四字必報讐

脫讐字竝從左傳

諸將奏請正號位請誤諸即皇帝位脫帝字竝從范書世觀舊物世觀誤出都從志

注巴郡郡誤都

便賜毒藥賜誤死竝從范書

亮

開誠心開誤聞

喻以討賊次第脫討字賊下衍一次

字猶謂昭烈之於漢脫於字

宋高祖誤高高祖

綏德里德誤輿竝從南史

自言唐太宗子吳王恪之

後也太作憲通鑑注南唐初欲祖吳王恪或請祖鄭王

元懿唐主命攷二王苗裔以吳王孫禕有功禕子峴為

丞相遂祖吳王案通鑑李峴相肅宗則恪非憲宗子矣

高宗弟有吳王恪為長孫無忌所殺太宗子也

魯文

公世魯誤晉案左傳士會以魯文公七年奔秦時晉靈

公始即位

放梁徙也放誤改

涉魏涉誤徙

遂為

豐公遂誤遷

漢承堯運堯下衍遷字

德祚已盛盛

誤甚竝從班書高帝贊 北定中原北誤非 故託臣
託誤訢 屢入幽都幽誤函 諸王孫之瑩諸誤請
卷第十九列傳第十六

標目楊容李福劉巴誤列馬良後楊容下附姚伯仲誤佃
向朗張裔楊洪誤列何祗後朗誤郎竝從目錄

楊容傳婢典炊爨典誤與 夫爲家主之法也脫主字

謂之王公王誤三竝從志輔臣贊注 嘗出逢清道鬪
者逢誤遂 吉過之不問之不誤倒 用暑故喘用誤
因 以吉知大體知大誤倒竝從班書丙吉傳 亮垂
泣三日而後已案傳與志輔臣贊注一字不異傳末而
後已三字疑淺識者妄加 建興初賜爵關內侯卒案

志及注賴恭無賜爵事建興初賜爵關內侯者王謀非
賴恭見志輔臣贊注 與畱府畱誤劉從志輔臣贊注

損益多矣志輔臣贊注同蕭書益作闕疑志誤今

誰繼者誰誤維從志輔臣贊注 原校疑當作亮疑誤

宜 原校此據楊戲傳贊注爲之據誤掾案戲著季漢
輔臣贊陳壽載諸傳末而爲之注裴氏據他書補之故
曰贊注

李福傳爲江州都督志輔臣贊注無都字或彼省仍之

更來一決耳志毛本同一馮本作亦通鑑作求案一與
求皆可通作亦似誤耳誤且 精識果銳識誤實 福
以前監軍監誤將 子驤驤誤讓案驤字叔龍竝從志

輔臣贊注

劉巴傳曹公敗于烏林林誤陵從志注 欲由交州由志

誤游 則值思義之民則志誤到 裴松之脫裴字

出爲益州牧祥始以孫堅州字誤在孫下竝從志注

其欲還北北誤不 當與人議之耳與誤于 若事定

事誤是竝從志

馬良傳良故呼亮爲尊兄耳脫故字從志注 以紹昆吾

豕韋之勳紹誤結 弟謬謬誤稷竝從志 今可更惠

良規今誤竟惠誤謂竝從志注 而亮違眾違誤爲

不下據城據誤掾竝從志 願淡惟殛鯀與禹之義志

注馮本同毛本惟誤爲 其若申息之老何息誤戊

及連穀穀誤谷 莫予毒也已巳誤矣竝從左傳 規

林父之後濟規誤歸父誤甫 知之太過知之誤倒竝

從志注

議聞于用人用誤于

張裔傳令縛與吳與志誤于 刈薪刈誤艾從班書朱買

臣傳 五十八以前前誤全 即便就船卽誤旣 張

君嗣張誤將 皆此類也脫也字竝從志 書疏可容

畱意疏可誤倒從志注 撫息故舊故誤孤從志 少

與犍爲楊恭友善案恭當作洪志楊洪傳云犍爲武揚

人又云裔少與洪親善 子翬嗣志無嗣字蕭書同案

裔無爵士不得云嗣此誤衍 翬弟郁郁誤都從志

楊洪傳芻綽承洪言脫綽字與司鹽校尉鹽誤監竝從志
君昔在桓下營原校謹案今志作柏下營云云案志
以君昔在桓下句營字屬下讀謹案云云當在營字上
柏下營之營誤衍 同獎王室同誤用從志 況吾但
委意于元儉志毛本同馮本意誤噫 嚴未去犍爲去
作至志同案前云諫嚴不聽是嚴已至犍爲洪乃爲之
功曹作至誤從通鑑 而洪已爲巴蜀郡脫洪字從志
又志無巴字案上敘洪所歷官亦無巴郡巴字衍 洪
亦尙在蜀郡尙誤嘗從志

卷第二十列傳第十七

劉封傳殺其太守蒯祺誤其 關羽圍樊羽誤於從志

烏喙誤烏啄 商於於誤于 車裂商君以徇徇誤
殉竝從史記 待諸莘莘誤革從左傳 陳宣公陳宣
二字誤在下楚平王上 欲立之之誤子 乃殺太子
禦寇下衍語字 使太子建脫太字 建亡奔宋下衍
傳字竝從史記 而據權勢勢誤執從志 無知弑襄
公弑誤識從左傳 未嘗不由廢立之間也志毛本同
馮本嘗誤會 其發若踐機耳發誤廢從志 至于稷
桑至誤之從國語

彭蒙傳言六國縱衡六國誤倒從漢書 守直原校云陳
志作守貞通志作守真案陳志毛本作守貞馮本亦作
守真 分兒子厚恩志注馮本同毛本恩作惠 意卒

感激阮意字

孟起說之是也是誤事

載勳竹帛載

誤者竝從志

自我墮之墮志馮本毛本竝作惰

李邈傳亮北征北志輔臣贊注作西

亮薨薨誤夢從志

輔臣贊注

未必懷反叛之心志馮本同毛本反誤及

字永南字誤守從志輔臣贊注

廖立傳臨沅人沅誤阮

通好于亮亮誤竟

不深責也

責誤素竝從志

至立計志同計疑當作許所也

無

子遺子誤了

徒失一方失誤勞竝從志

素能合道

志同蕭書素作豈疑志誤

郭演長攷異曰演長當是

攸之字案志注云楚國先賢傳攸之南陽人以器業知

名蕭書音義引楚國先賢傳作攸之名演南陽人以字

行脫長字

王連流俗俗誤浴

憤咤作色色誤邑

識真偽耶真誤直竝從志

則誹謗譏訶訶誤柯

快

快誤快快竝從志注

吾終爲左衽矣脫矣字從志

經汶山汶作文或校從志案地理志文山之文不從水

旁

往詣立志毛本同馮本無往字

李嚴傳少爲郡職吏郡誤羣從志注

裨將軍裨誤禪從

志

起于邾注音淒案邾字音釋當在前李邈傳邾人

下志在嚴傳者邈不立傳故也

馳往赴救赴志作起

誤竝受遺詔受下衍之字

亮亦與達書亮誤良竝

從志

蜀志當作志注下同

是以未得默已默已誤

末也

位極人臣極誤稱

若滅魏若誤君竝從志注

參軍狐忠督軍成藩忠誤惠督軍之軍誤運竝從志
成藩志馮本及通鑑同毛本作成平蕭書作成平藩
乃更佯驚佯誤佯窮難縱橫縱誤終以取一時之
務一誤之之誤期竝從志挾情志狂挾誤狹案挾情
猶云任情也從志注行前監軍征南將軍劉巴攷異
曰劉子初卒於章武二年而李平之廢乃在建興九年
蓋別是一人姓名偶同耳案裴注同姓名者甚多漢有
董和而魏有兩董和兩許攸兩徐質吳有兩黃蓋兩張
震漢有張南李豐許允吳有張承趙達魏亦有張南李
豐許允張承趙達行前護軍偏將軍漢成亭侯臣許
允成誤臣行左護軍篤信中郎將臣丁咸護下衍將

字軍下脫篤字竝從志注行護軍征南將軍當陽亭
侯臣姜維考異云征南當作征西案考異蓋以劉巴爲
征南一時不容有二征南故云考志姜維傳後遷中監
軍征西將軍是維拜征西在遷中監軍後時鄧芝行中
監軍魏延爲征西則維當爲征北征東耳行參軍武
畧中郎將臣杜祺祺誤棋都職吏用情淡刻吏用誤
倒竝從志注書章志陳震傳通鑑竝作蘇張案書章
謂平與亮之書表帝之章也蓋郝君所潤色名七日
匙也七誤士匙誤提從漢書音義

議而醜者亡怒亡誤夫案亡讀如無夫以音誤從志注
議東攻張步東誤東從范書耿弇傳居二年二誤三從

史記周本記 螻屈螻誤獲 徒以吾兩人耳吾誤爲
竝從史記項籍本紀 屢出屢反出誤尺 仗正道明
大義仗誤伏明大誤倒 間金金誤全 俱南俱誤但
賈豎豎誤堅竝從班書張良傳 此養虎自遺患也
遺誤爲從班書高紀

卷第二十一列傳第十八

王連傳遷司鹽校尉較鹽鐵鹽竝誤監下領鹽府同從志

杜祺祺誤棋 皆至大官遷蜀郡太守至誤知蜀誤

屬 旨險旨誤昌 子山嗣子誤之竝從志

李恢傳遇于縣竹縣誤繇 庾降都督鄧方卒庾誤來方

誤芳案志楊戲贊鄧孔山注孔山名方 器之器誤囂

柯說見前

趙充國充誤亢 給謂南人給誤始 欲規退還規
誤歸 久斥鄉里斥誤斤 徙其豪帥徙誤徒 解恢
刺史解誤懈竝從志

馬忠傳遣忠部送忠誤中 見忠與語見忠誤建宗 郡

承朱褒叛亂之後承作丞案通鑑朱褒牂牁太守非郡

丞丞蓋承繼字之誤 擾亂諸郡諸誤都 平南土南

誤陽竝從志 以馬忠爲庾降都督下誤空一字今仍

空 吾臨戰場場誤場 積穀穀誤谷竝從志 集覽

庾降本南中地名音來絳武侯征南中因以名官絳誤

鋒案志李恢代鄧方爲庾降都督在章武元年則庾降

建督尙在章武之前集覽誤 常駐平夷縣夷誤移

宣傳詔旨旨誤詣 畏而愛之愛誤受 閻宇宇誤守
 竝從志 表張松子子誤之從志注 眾盡星散星散
 王平傳杜濩濩誤獲 規諫諛諫誤建中 諸營
 誤性敗 魏將張郃疑其伏兵郃誤舒伏誤服 諸營
 遺逆營遺誤葛亮 更為前護軍護誤獲 已至駱谷
 駱誤銘 平率千人率誤卒竝從志 鄧芝在東志毛
 本同馮本芝誤艾 不過十字十誤千 子訓嗣訓誤
 馴竝從志 後張翼後誤其從志注
 羅憲傳憲獨不與交交作校案志注作同知校為交誤
 召字西還字誤與 外託救援援誤授 吳為唇齒唇
 誤辱竝從志 且漢已亡漢誤蜀 繕甲繕誤善 吳

聞鍾鄧敗鍾誤宗 楊宗宗誤眾 任子子誤乎 請
 力拒吳拒誤詎 即界前任界誤畏 以子襲子誤與
 從帝宴于華林園詔問蜀大臣宴誤晏園誤圍詔誤
 昭問蜀誤倒 巴西陳壽陳誤蜀 咸顯于世憲還顯
 誤憲憲誤間 方亮嚴正嚴誤咸 好施施誤私 贈
 安南將軍諡曰烈侯安南作西安諡誤論烈誤裂案晉
 志無西安將軍竝從志注
 議鍵閉劍門閉劍誤倒 井絡由茲茲誤維 弋憲力扞
 孤城城誤域 吳人攻之吳誤矣
 卷第二十二列傳第十九
 標目董厥下附樊建脫樊建二字從目錄

蔣琬傳奄至廣都奄誤菴 事分明也事誤是 頃之為

什加令頃誤傾為誤徒 託志忠雅志誤致 有如平

日平誤年 苦其暴虐苦誤若 是以默然默誤黜

心無適莫莫誤惡 襲魏興魏誤會 會舊疾連動連

誤運脫動字 眾論咸謂咸誤言 臣職是掌自臣奉

辭臣誤成是自誤倒 胡塞之要塞誤基 且羌胡乃

心脫胡字乃下行吾字 宜以姜維宜誤豈 涪縣涪

誤沛案地理志沛屬沛郡涪屬廣漢 以增情思增誤

憎竝從志

費禕傳江夏鄆人也夏誤南案續漢志鄆江夏縣其地在

漢東不在江南即戰國策莊辛所謂鼂塞 許叔龍龍

誤隴 白父和白誤曰 和問之和誤何 吾嘗疑汝

於文偉於誤與 羣寮羣誤郡竝從志 以禕為昭信

校尉使吳志馮本同毛本昭誤照 禕常入其坐間常

誤長從志 飲食嬉戲嬉誤禧 猶有不暇爾暇誤假

竝從志注 琬自漢中還涪琬自誤還視 禕遷大將

軍脫軍字 求其圍碁共誤其竝從志 甲以為甲誤

曰從志注 懿感曹仲案感古憾字仲當即指芳 必

無悉寧悉誤息案悉盡也謂爽若挾芳為變必不能盡

寧也 被以不義以誤之 絕子丹血食子誤乎案子

丹曹真字竝從志注 禕雅性雅誤推從志 郭循通

鑑作郭循胡三省曰循徧考字書無其字即修字之誤

也。後人以循字無所出，又改个爲丯，遂爲循字耳。案志齊王芳紀張疑傳作郭脩，後主及費禕傳作郭循。裴注脩字孝先，大學先脩。孟子脩其孝弟，修與孝先義協。胡氏說是也。原校今志作郭修，案馮本毛本俱作循。議而逐于嗣王，遂誤遂。使騎劫代將騎劫，誤伊吉。車甲誤車平，竝從史記樂毅傳。故鼎反乎曆室，曆作磨。史記同徐廣云歷也。國策作歷，案研磨之磨，說文作礪。隸省爲磨，石部又有磨字，訓石聲。从石麻聲，孫恂音郎擊切。然則史記磨室字本作曆，曆歷俱從麻得聲。國策因借曆爲歷，徐廣訓曆爲歷，義亦可通也。作磨誤。薊上之植，植誤楨。植於汶篁於誤放竝從史記樂毅傳。

陳祗傳兄之外孫也，孫誤甥。又以侍中又誤右。大將軍姜維姜誤尙。統職一紀紀誤記。庶績績誤跡。賜子粲爵脫爵字。構間浸潤浸潤誤侵，闊竝從志。董厥傳字龔龔龔龔誤龔龔龔龔從志注。徙爲主簿，徙誤徒。從志。字長元，長元誤倒從志注。原校何如宗預宗誤字從志。議以維好戰無功，以誤與從志注。聞惡必改而不吝，過聞誤臣從志注。案吝志注作矜，臧在東。以爲矜恤哀矜義皆同，憐字从矛，令聲。說文無从今者。是志本作矜，字誤从今。郝氏恐其義涉矜，張因改吝耳。議獻可獻誤戲。及董允吕父相繼而卒，卒作出案允父未嘗外出，出當是卒之音誤。都亾志于親賢人亾誤。

忌猶能壞賢相之基圖壞誤懷志下賈人志贊碩德碩誤顧 廟謨謨誤漢式張吾軍吾誤五文

卷第二十三列傳第二十四其義因各

姜維傳身衛郡將衛誤危 乃俱詣亮乃誤仍竝從志

已到祁山祁誤岐 所治冀縣脫縣字 卿諸人脫人

字從志注 費曜曜作繇志姜維傳注同案志明紀作

曜魏延傳作瑤諸葛亮傳注作曜考晉書宣紀通鑑竝

作曜瑤繇俱以音近誤 故不沒其家沒誤殺與母

相失後得母書令求當歸與母誤與妻後誤復當歸誤

單貴竝從志注 恐不至此至誤知從通鑑考異思

慮慮誤虞 既有膽義膽誤瞻 淡解兵意誤淡懈意

意竝從志 琬既遷大司馬數率偏軍西入率誤卒從

志又志大司馬下有以維為司馬五字案西入者維非

琬也琬既遷大司馬與下數率偏軍句文義不屬當有

以維為司馬五字此誤脫 維自以練維誤惟練誤諫

兼負武武誤或 費禕常裁制常誤長竝從志 而

決成敗脫而字從志注 陳泰解圍解誤懈 更整勒

戎馬更誤夏竝從志 亾水志馮本毛本同通鑑作芒

水案水經注亾水出南山亾谷此書楊戲傳亦作亾水

亾从亾得聲疑亾本讀如亾 且重關且誤俱 武城

城誤成竝從志 出漢侯和志同案漢當是洮陽之誤

脫通鑑云維入寇洮陽鄧艾與戰於侯和志陳畱王負

紀同 與皓協比皓誤帝 廖化廖誤廢 乃遣右車
騎廖化車誤軍廖誤廢 會攻樂城不克克誤開 懷
邁世之畧世誤萬事竝從志 原校謹案今志此下有
或聞欲東入吳六字六誤五案謹案云云當在或聞欲
固守成都下寫本在或聞欲南入建寧下誤 詣會於
涪涪誤沛 拔刀拔誤披 比中土名士下衍名士二
字 不能勝也脫能字竝從志 威德振世民高其功
振誤政民誤明 卒伏劍伏誤服竝從志注 會既搆
鄧艾既誤期 卻正卻誤卻下竝同案卻从卩乃卻退
字說文卻从邑谷聲晉大夫叔虎邑叔虎名豹見國語
注卻本以邑爲氏 隨手消盡消誤削 以是貶削是

誤足 不復料擿料誤糾 清素節約素節誤倒竝從
志 止在好學止誤正 盛相譏貶盛誤甚下孫盛同
晉陽秋曰曰誤日 而困焉脫焉字 死期期誤時
總帥五將帥誤歸 已議還計議誤譏 擁衛蜀主
衛誤會 不可以事自差手手誤互 內保寧輯之實
輯誤緝竝從志注 鍾會之難難志注作亂 非死之
難也案志注也上有處死之難四字此脫 而懼不得
其所也志注馮本同毛本所作死

張翼傳浩字叔明明誤名 以高第以下衍爲字 墨綬
綬誤授 周翊范書順紀及周舉傳通鑑竝作栩 馮
羨羨作美 綱爲侍御史脫侍字從范書通鑑 續漢

書謂拜光祿大夫使誤也案范書周舉傳八使皆守光祿大夫蓋當出使而假職其本官惟周栩守光祿大夫杜喬侍中周舉以諫議大夫拜侍中馮羨前青州刺史樂巴郭遵劉班張綱四人本官皆如漢紀所書蓋漢紀或書假職或書本官非謂綱獨不守光祿大夫也苟氏以續漢書爲誤未攷周舉傳故耳 爲江陽長志趙雲傳注時沔陽長張翼在雲營攷異云沔陽當作江陽案昭烈時爭漢中或以翼領沔陽招徠漢中之民未可知也 然代人未至至誤知 翼廷爭廷誤延竝從志 維大怒曰爲蛇畫足志同案通鑑爲蛇畫足在維大怒上無日字詳蕭書札記

廖化傳廖化字元儉廖誤賡儉誤檢從志
議嗇禍者嗇誤牆

原校陳志姜維與黃權李恢呂凱馬忠王平同傳案志蔣費姜同傳與黃李呂馬王同傳者張嶷非姜維也 廖化附宗預傳此以姜張廖廖竝誤賡

卷第二十四列傳第二十一

楊戲傳琬以大將軍開府脫大字 其所序述序志作頌

是以記之記作紀 自此以後自誤氏竝從志 可

以猶知猶志作粗 行自齊魯則英風播流魯誤楚英

誤吳 猶孟津之翔師復須戰于鳴條也師復誤倒竝

從志 張益德益誤翼 民思其綱綱誤剛 盡心世

規世誤是案世規謂王連理鹽鐵也 贊糜子仲糜誤

糜 穰穰穰誤穰 末命末誤永 殊疆疆誤疆 陳

叔至至誤志竝從志 鎮南麤強監軍尚篤志同案尚

篤與下封裔不韻攷字典篤字注又叶徒對切楊戲贊

趙到鎮南祖強監軍尚篤竝豫戎任任自封內則裔本

內之誤文第此贊輔元弼劉南和而云贊趙到者傳寫

之譌又祖上也法也義亦勝麤志作粗當是祖之形誤

藻麗藻誤漢 忌節忌誤志 季常常誤長 或臧

臧誤長竝從志 言臧臧志作藏案臧善也疑志誤

馬盛衡盛誤甚從志 隕命于軍志毛本同馮本軍誤

君 同官同志作司 匡正正志作救案二字義竝通

郝氏或別有所據 贊糜芳糜誤靡從志案志無贊字

此或郝氏所加 鄙人鄙誤鄙 與嚴俱降俱誤伯

加振威將軍振誤鎮竝從志案振威前贊文作揚威志

同 護將軍輔匡志作護軍將字衍 徙鎮南徙誤徒

從志案漢無鎮南郡或謂即鎮南將軍攷之志前後左

右將軍位次四征四征位次四鎮宗預傳自後將軍遷

征西張翼傳自征西進鎮南其證也輔匡位終右將軍

則鎮南非將軍號明矣疑志本作徙鎮南中脫中字此

沿其誤 嘉歎歎誤款從志 南廣漢太守志同攷異

云蜀有南廣郡延熙中置無南廣漢郡案郡名南廣漢

或以別于廣漢猶縣名南充國以別于充國水經注江

水下或脫漢字未可據以改也 善政談論志作善談
論政字衍 還爲荊州議曹從事志同案上云昭烈定
蜀後爲綿竹令下云從昭烈征吳以此推之荆似當作
益 永南之兄之誤人從志 隨昭烈征吳征吳作南
征吳志作東征吳或校刪南字 一弟一誤二 徙在
犍爲在作治案凡徙治所謂之徙治志劉焉傳徙治縣
竹是也王士自宕渠徙犍爲則非徙治矣 普字子太
字誤士太誤大竝從志 原校十四人脫十字據上傳
畧

議皆亮獎拔獎誤弊 椶闌闌誤闌注同 李特據廣漢
攻成都克之案晉書載記特克成都小城大城至雄始

克 弟流弟誤弟從載記 永興二年僭帝號國號蜀
誤作光熙元年僭號號成都王案載記但云僭卽帝位
不記國號及年月從惠紀其稱成都王在前一年
王嗣傳音餌餌誤鉅 後從維北征從維誤倒 眾所愛
信愛誤受竝從志

常播傳被上官誣劾官誤宮劾誤劾 長免刑戮刑誤形
竝從志

衛繼傳張君無子無子二字誤倒從志

譙周傳附秀大樸大誤天 靜一流競脫一字流下衍安

字 三方方誤分 庶武羅庶誤恕竝從志注 伯因

因誤囚 龙圍龙誤龍竝從左傳 晝邑史記作晝邑

下竝同案孟子宿於晝之晝顧亭林以爲當作晝卽史記之晝邑史記正義晝邑因澧水爲名班書功臣表有澧清侯參苟氏從孟子作晝或別有據中華有顧瞻之哀哀誤衰身寄虎吻身誤自竝從志注龔勝龔誤翼從班書雖園綺之棲商洛洛誤迎從志注卻正傳偃師師誤節祖父儉父誤師竝從志與宦人與誤于索微微誤惟應機機誤譏竝從志幹茲奧祕志馮本同毛本奧誤粵雖時獻一策獻誤戲釋彼官責責誤素回軌回誤罔竝從志興安駕肆肆志作肆案肆習也有嫻熟義志似誤要夷庚之赫懽懽誤撫副吾徒之彼圖彼誤披將爲吾子子誤

之竝從志翼扶誤扶翼或飾真以讐僞真誤貞讐誤辟或詭道詭誤詐竝從志背正從邪從志作崇案從與背以相反對舉義亦協利回其心回誤面如仄仄誤灰鬼芟其額額誤維朝含榮潤含誤舍蓋易著行止之戒著行止誤主刑正案行止當作行正說詳蕭書札記揚茂化之醲醇醲誤醜竝從志各守厥貞貞誤真志馮本同從毛本羲和逝和誤仲運氣匿匿誤慝今天綱已綴已誤紀以祔祭祔誤初元愷愷誤凱含薛氏之三計含誤舍豈暇修枯籜修誤備狹屈氏之常醒狹誤挾徧夷叔之高懟徧誤徧得不充詘充誤克不樂前樂誤失

何直之入直誤責竝從志 陽盱注同志作陽盱字从
 日蕭書音義从日作盱注云日出始案日出始盱字本
 義陽盱乃水名當作紆周官職方氏冀州其澤藪曰陽
 紆盱盱皆假借字 桑林禱而甘澤滋澤誤露案桑林
 湯禱兩處當作澤從志 在子一人無以一人之不敏
 子誤于無以一人四字脫從呂覽 綴微辭微誤微
 收止足止誤正竝從志 皆下才也下誤不 是乃所
 以千萬里臣乃下衍其字 見其所見脫所字 視其
 所視所下衍不字 渙渙誤漁漁 客有直之者直誤
 負 千戶之都二千誤夫 今赤堇之山今誤令脫之
 字 歐冶子已死子誤之竝從志注 瓠梁託弦弦誤

言從志 而鱣魚聽之鱣誤鮮魚字脫 以濟其厄者
 也厄誤危 于是卒偷進請請誤謂 偷即夜出即誤
 則 又復往取其枕往誤出 下羅帷羅誤羅竝從志
 注 揚激楚舞鄭音音志注作妾案鄭音與楚舞對舉
 志注誤 則舫龍舟舫誤訪 雖有善鼓琴脫善字
 亦猶若是乎若誤君 徐動宮徵徵誤殿竝從志注
 盧敖敖誤教從志注盧敖遊乎北海同 遯逃乎碑下
 遯誤遜 此猶光乎日月脫此字從志注 猶突奧也
 突作突志毛本同馮本作突案楚詞招魂冬有突廈王
 逸注突複室作突誤 視焉則眴則誤眴 猶有沈沈
 之汜汜誤况 猶黃鵠之與壤蟲壤蟲誤壤蠱竝從志

注與志注毛本誤興 此間殊樂樂誤屬從志

議譙秀不屈于巴賓賓誤實案李特兄弟巴氏賓人也

時羅憲羅誤羅 徵兵南中徵誤徵 則姜廖五將廖

誤廢竝從志注 吳之二師志注同二師蕭書作三帥

音義謂丁奉施績丁封也案吳志孫休傳永安六年使

大將丁奉督諸軍向壽春將軍雷平別詣施績於南郡

議兵所向將軍丁封孫異如河中皆救蜀孫盛止云二

師殆以河中近漢獨指丁封孫異言也 徐因思奮之

民奮誤舊 何為匆匆遽自囚虜匆匆遽誤忽忽處

下堅壁於敵人於誤放 壯哉斯言言誤人 或國覆

主滅覆誤復竝從志注 抑或人謀也志注無或字

向使懷苟存之計計誤紀 何邦基之能構邦誤危

方之申包胥脫胥字竝從志注

道光癸卯歲除前一日桐鄉沈炳垣校讀于敬業書
院廡館時眷屬初來小孫善登善經善治均旁侍



續後漢書札記卷第一

